

Wir Maximilian von Gottes gnaden römischer kunig etc. bekennen, dass fur unns komen ist unnsrer lieber getrewer Veyt von Zellking, unnsrer diener, und hat unns von sein selbs und unnsrer lieben getrewen Hanns, Wilhelm und Wolfgang seiners bruder wegen diemutigklich gepetten, das wir in (= ihnen) ir dorff bey der vessten Siedendorff gelegen, ^aauch Siedendorff genant^a, zu ainem marckht auch ir lewt darinn zu burgern zu erheben und ze schöpfen und darin wochenmärckht und jarmärckht zu geben gnädigklich geruehten. Das haben wir angesehen derselben geprueder fleissig pete auch die getrewen willigen dienste, so sy uns gethan und erzaigt haben und hinfuro in kunfftig zeit wol thun sollen und mugen, und haben dardurch und von sondern gnaden das berurt dorff zu ainem marckht ^berhept^b und ir lewt darinn zu burgern erhoben, gemacht und geschöpfft unnd demselben marckht Siedendorff auch einen jarmarckht nemlich ains yeden jars auf sant Philips und sant Jacobs ^ader hailigen XII poten^a tag und ainen wochenmarckht auf ainen yeden sambstag zu halten gegeben. Erheben, schöpfen, machen und geben auch solchs als regierennder herr und lanndsfurst zu Östereich wissentlich in krafft diss briefs und meinen, setzen und wellen, das nu furohin zu ewigen zeitten das berurt dorff ain marckht ^bsein^b und die lewt darinn burger sein, genennt und ^bdarfur^b gehalten werden und dieselben burger ^aund ihr marckt nun hinfir ewichlich^a ains yeden jars ainen jarmarckht auf den genanten sant Philips und Jacobs tag ^bder heiligen zwelfpoten^b acht tag vor und acht tag nach und ains yede sambstags ain wochenmarkht mit freyung und an eren und rechten ^ahalten^a, geprauchten, nutzen und niessen ^bhallt^b sullen und mugen, in aller massen ^bdieser^b, wie anndere merckht daselbst ^bbeysamb^b umbgelegen halten, von recht oder gewonhait ^bwegen gehalten und gepraucht werden^b von meklich unverhindert ungeferlich, ^adoch denselben merckhten, so ^betwen^b umb und bey Siedendorff ligen, an iren frayhaiten ^bauch [...] ^b, rechten und in andern wege undergriffen (?) und unschedlich. Und gepieten drauff allen^a ^bdavon gepieten wir den edlen unsern lieben getrewen allen^b unsern hauptlewten, landtmarschalchen, graven, freyen hern, rittern, knechten, verwesern, vitzthumben, pflegern, burggraven, landtrichtern, burgermaistern, richtern, retten (= Räten), burgergemeinden und allen andern unsern amptlewten, underthanen und getrewen ernstlich und wellen, daz sy ^adie genanten von Zelcking ^b[...] ^b, ir erben und kunfftig ynhaber des genanten marckhts an dieser unser gnad und frayhait nit hindern noch irren, sundern sy und die burger daselbs ^bdar^b dabey grulich (?) beleiben, dero fruchten und geniessen lassen und sy auch alle, die^a ^bsolche erhebung des obbenanten marckhts und der lewt darinn und gab der

berurten wochenmerckht und jarmarkht wie vorsteet genntzzlich und berublich beleiben und geniessen lassen und sy auch die lewt^b, so dieselben jar^bmarckht^b- und wochenmärckht^b mit iren waren und kaufmanschafft^b besuchen, darwider nicht dringen, bekumben noch beschweren, noch des yemands anderm zu thun gestatten in dhein (= kein) weis, als welt^b ir sy^b ^ain allen und in yeden sy^a unser schwur, ungnad und straff zu meyden. Das maynen wir ernstlich mit urkhunt diss briefs besieglet mit unserem kleinen anhangenden insigl. Geben zu Füssen an mitwoch nach sant Kilians tag anno 1497.

^{a-a} eingefügt, ^{b-b} gestrichen

(...) Anm. des Autors